

四庫全書

史部

欽定四庫全書

景定建康志卷四十

宋 周應合 撰

田賦志序

大學平天下之傳曰有民此有土有土此有財有財此有用德者本也財者末也外本內末爭民施奪昌黎韓愈曰民不出粟米絲麻作器皿通貨財以事其上則誅然取財於民而過其中焉則為損下益上如爭如奪民方吾仇何以致天下之平哉禹貢揚州厥田下下厥賦

下上錯田九而賦六七豈非以山澤之利足以助田之所不足歟後世籠山澤之利悉歸於上而田賦又加於古毋怪其民力之困也建康蓋揚州之一郡耳古今國都多在焉田賦之制凡幾變更晉宋尚能立限田之制齊梁亦能為寬賦之條重以陳末之淫奢偽唐之僭侈苛賦橫斂一切不恤而民不勝其虐矣天啟我宋剗偽除苛拯民塗炭蠲無藝之征損折變之例嚴者弛之重者輕之而民力紓矣剖符授節選用廉平安富恤貧

損上益下而仁澤溥矣今之建康號為樂國勤無曠土

富無負租本根所由固也作田賦志

晉平吳之後有司奏王公以國為家

京城不宜復有田宅未暇作邸當使城中有往來之處
近郊有芻藁之田今可限之國王公侯京城得有宅一
處近郊田大國十五頃次國十頃小國七頃城內無宅
城外有者皆聽留之男子一人占田七十畝女子三十
畝其丁男課田五十畝丁女二十畝次丁男半之女則
不課其官第一品五十頃每品減五頃以為差第九品
十頃而又各以品之高卑蔭其親屬多者及九族少者
三代宗室國寶先賢之後士人子孫亦如之而又得蔭
人為衣食客及佃客量其官品以為差除晉成帝咸
和五年初稅田畝三升孝武大元八年始增百姓稅米
每口五石宋孝武帝大明初羊希為尚書左丞時揚
州刺史苗陽王子尚上書山湖之禁雖有舊科人俗相

因替而不奉占山封水保為家利自頃以來顏弛日甚
富強者兼嶺而占貧弱者薪蘇無託至漁採之地抑又如
茲斯寔害理之深弊諸損益舊條更申恒制有司檢壬
辰詔書擅占山澤強盜律論賊一丈以上皆棄市希以
壬辰之制其禁嚴刻事既難遵理與時弛而占山封水
漸染復滋更相因仍便成先業一朝頓失易致怨咨今
更刊革立制五條凡是山澤先陌概樹種竹木薪果為
林仍及陂湖江海魚梁鱸砦恒加工脩作者聽不追舊
官品第一第二品聽占山三頃第三第四品二頃五十
畝第五第六品二頃第七第八品一頃五十畝第九品
及百姓一頃皆依定格條上貲簿若先已占山不得更
占先占足者非前條舊業一不得禁有犯者未上一尺
以上並計贓依常盜論除晉咸康二年壬辰之科從之
齊高帝初景陵王子良上表曰宋文帝元嘉中皆責
成郡縣孝武徵求急速以郡縣遲緩始遣臺使自此公
役勞擾凡此輩使人既非詳慎貪險崎嶇以求此役朝

辭禁門情態即異暮宿村縣咸福便行驅迫郵傳侮折
守宰瞻郭觀境飛下嚴符但稱行臺未明所督攝撻曹
屬震驚都邑深村遠里俄刺十催或尺布之逋曲以當
足百錢餘稅且增為千誑云質作尚方寄繫東冶百姓
駭迫不堪其命恣意贓賄無人敢言貧薄禮輕即生謗
譖愚謂凡諸檢課宜停遣使明下符者審定期限如有
違越隨事糾坐則政有常典人無怨咨子良又嘗曰今
所在穀價雖和室家飢噉鱸鱖雖賤駢門裸質而守宰
務在剝刻園桑品屋以准貲課致令動木發瓦以充重
賦破人敗產要利一時東郡使人年無常限郡縣相承
准令上直每至州臺使命切求迫急及有畏失嚴期自
殘軀命亦有斬絕手足以避課役守長不務先富人而
唯言蓋國豈有人貧於下而國富於上耶又錢鑄歲遠
類多翦鑿江東大錢十不一存公家所受必須輪郭遂
買本一千加子七百猶求請無地且錢布相半為制永
久或聞長宰酒令輸錢進違舊科退容姦利欲人康泰

其可得乎又啟曰諸賦稅所應納錢不限大小但令所
在蕪折布帛若雜物是軍國所須者聽隨價准直不必
盡會送錢于公不虧其用在私寔荷其渥昔晉氏初遷
江左草創絹兩所值十倍於今賦調多少因時增減永
初中官布一疋直錢十千而人所輸聽為九百漸及元
嘉物價轉賤私貨則疋直六百官受則疋准五百所收
每優欲人必為降落今入官好布疋下百餘其四人所
送猶依舊制昔為刻上今為刻下土底空儉豈不由之
救人拯弊莫過減賦略其目前小利取其長久大益無
患人貲不殷國用不阜也自東晉寓居江左百姓南
奔者並謂之僑人往往散居無有土著而江南之俗火
耕水耨土地卑濕無有蓄積之資諸蠻陬俚洞窟沐王
化者各隨輕重收財物以裨國用又嶺外酋帥因生產
翡翠明珠犀象之雄饒於鄉曲者朝廷多因而注之以
收其利歷宋齊梁陳皆因而不改其軍國所需雜物隨
土所出臨時折課市取乃無常法定令列州郡縣其在

土所出以為征賦其無貴之人不樂州縣編者謂之浮浪人樂輸亦無定數任量唯所輸優於正課焉佃客丁男調布絹各二丈絲三兩綿八兩祿絹八尺祿綿三兩二分租米五石丁女並半之男年十六亦半課年十八正課六十六免課其男丁每歲役不過二十日其田畝稅米二升蓋大率如此其度量三升當今一升秤則三兩當今一兩尺則一尺二寸當今一尺咸平元年轉運使陳靖奏曰江南偽命之日于夏稅正稅外有公征錢物曰鹽博紬絹加耗絲綿戶口鹽錢耗腳斗面鹽博斛斗醞酒麴錢率分紙筆錢村生望戶錢申料絲鹽博綿公用錢米鋪觀蘆蘼米麴腳錢等凡一十四件悉與諸路不同乃煜父子偕竊江淮縻費爵祿尋納朝廷之琛責又失淮海之土田物力不充征斂復暴太祖茶行天罰誠欲弔民而自克復之初舊弊不去者蓋樊知古加怨偽朝不與名第擔簦去國獻策復仇屬天運之有歸遂甘心於故土然小人見無大畧于時既任轉輸

罔思鼎革而輒怨怒其主流毒其民使我朝只得代罪之名未見弔民之實因仍舊貫以至於今又其沿征數內醢酒麴錢鹽博絢絹鹽博斛斗者江南舊日許人私下造酒等第科納麴錢及嘗散與官鹽博換納絹斛斗歸復之後酒則禁斷鹽則不支上件所征准前輸納其次耗脚斗面加耗絲綿詰其所由亦皆類此前後巡撫採訪制置茶鹽承受體量發賑貸等皆承委寄不察疲羸不惟不察疲羸而復益加之瘡痍遂使貨家鬻產償債疊之征科去土離鄉入逋亡之簿籍目擊堪嘆天高莫聞詔悉除之祥符八年知昇州薛映言官有牛稅民出租牛死而稅不得蠲上覽奏矍然曰此豈朝廷所知耶遂詔諸所條上悉蠲之明道二年江淮安撫使范仲淹奏當司看詳江寧府上元等五縣主客戶通年送納下口鹽錢即不會請鹽食用據本府分析及體問得始屬江南偽命之時有通泰鹽貨給散計口納錢入官後來淮南通秦歸屬朝廷之後江南自此無鹽給散

所以百姓至今虛納錢併更折納綿絹未曾起請今江寧府有新舊逃亡七千三百宣州五千五百太平州四千四百緣江南東路諸邑租稅甚多地薄民貧欲乞朝廷調度指揮江南東路主戶所納稅賦內丁口鹽錢以本處見賣鹽價上納定升合數目逐春更與米鹽喫用隨夏稅送納一色見錢更不折納不賜納絹可減去疾苦招携逃亡所有客戶名下鹽錢蓋是浮浪之人起移不定每到泰初被鄉司里正戶長抄割浮戶配納鹽錢遂旋走移其客戶鹽錢不多望朝廷特與除改

田數

乾道舊志通管田七百七十七萬二千八百六十三畝
景定辛酉五縣具到挨究實數見管田寔計四百三十

四萬一千六百四十三畝三角二十六步

虧數未詳

上元縣

山田四十一萬五千九百二十一畝一角

四十七步

圩田二十萬三千九百八十三畝三

角五十五步隸總領所者六百一十二畝 沙田

一十一萬二千二十六畝六分 營田一千八百

八十九畝二十三步

江寧縣

山田二十六萬二千一百一十三畝三角

三十四步 圩田一十八萬七千三百二十四畝

一角一十七步 沙田四萬四千三百一十畝二
角二步 營租田地隸總領所者田九千六百九
十七畝一角一步地一千八百二十七畝二角二
十步草場七十三畝一角五十一歩水漾六十六
畝一角四十歩 營租田地隸轉運司者田地共
二千一十四畝三角一十六歩半

溧陽縣 田九十五萬五千七百五畝一角一十二
歩半 地八十萬一千四百七十四畝二角九歩

半 圩田三萬一千七百七十六畝二角二寸四

步

泰興莊管圩田八千八十八畝三角四十三步計七圩坐落來蘇來安兩鄉 福賢莊管圩田

二萬三千六百八十七畝二角四十二步圩內奉朝省撥賜田三千畝與夏金君外寔存田二萬六

百八十七畝二角四十二步

句容縣 田七十四萬三百一畝二十三步 地一

十六萬一千四十六畝三角五步 沙田一千一

百二十三畝一角三十三步半 沙地蘆場草塌

白面沙溪灘等三千五百九畝一十四步 營田

五千八百九十五畝三角九步 營地一千八百九畝三十步

溧水縣 圩田二十九萬一千一百九畝一角 沙田一千三百九十畝三角五十九步 營田三千四百七十八畝四十五步 營地一百六十二畝一角五十五步

稅賦

夏料管催

折帛錢三十四萬一千四百三十三貫九百四十二
文錢會中半于內除豁江坍寨占并本府運司合包
認江寧句容縣和買役錢共一萬一千二百四貫二
百五十五文外寔催三十三萬二百二十九貫六百
八十七文錢會中半

絹紬共八萬六千七十一疋五丈四尺二寸八分五

釐內二千八百四十疋一丈五尺九寸元係折紬照科
折則例紬每疋折錢五貫絹每疋亦折錢五貫遂

將上件紬并
改折絹催納

絲五千二百七十五兩

加耗在內

綿三十三萬九千六百九十四兩四錢六分

元額正綿二十

八萬八百兩五錢內除豁改科絹綿計正綿五萬八十兩係改科稅絹四千一百四十疋拾入前項絹數催納外令催正綿二十三萬七百一十兩五錢耗綿一十萬八千九百七十三兩九錢六分

小麥三千六十一石一斗二升二合

上元江寧兩縣府倉納正小麥

二千石搭上加耗應副公使酒庫造麴使用句容溧水溧陽三縣倉納正小麥一千六十一石一斗二升二合搭上加耗應副各縣酒庫造麴使用

麻皮二千五百斤

係上元江寧兩縣催解撥充運司本府雜支等用

上元縣

折帛錢六萬九千八百三十五貫七百九十三文

除豁外寔催一萬四千八百九十四貫六百八十

五文

三百九十三貫二百八十八文係防江軍寨占張府北莊地段稅錢一百三貫四百五十

三文係遊擊軍寨占民居稅錢二百一十貫九百八十文係制府拘占馮汝賢詭名稅錢二千九百一十三貫三百八十七文少豁寨占等錢一千三百二十貫文係增科本縣催過額外綿四十兩于後項內搭入拘催于折帛錢內除豁

絹一萬七千八十六疋二丈八寸五分

元科一萬六千八十

六尺二丈八寸五分改科一千足係于嘉熙四年
為始將省稅綿一萬兩改科稅絹每一十兩折絹
一件計省稅一萬二千八百九十六丈三丈一尺

六寸五分和買四千一百八十九足一丈一尺二
寸

紬五百十足三丈六尺五寸

絲二千三百一十七兩六錢

綿五萬五千三百四十九兩五錢除豁省稅綿一
萬兩改科稅絹外寔催四萬五千三百四十九兩

五錢

元科五萬一千三百四十九兩五錢搭入本縣催過元額綿四千兩除豁折帛錢一千三

百二十貫文

省稅綿三萬三千四百九十七兩和買綿

一萬一千八百五十二兩五錢

小麥正催一千五百石

麻皮正催一千三百斤

江寧縣

折帛錢四萬七千六百六貫八百九十一文除豁
包數外寔催四萬五千一百七十八貫七百六十

三文

包認錢數
詳具下卷

折帛錢四萬四千五百三十四貫一十五文令項
拘催城南廂兩料役錢六百四十四貫七百四十

八文

絹一萬一千四百八十三疋六寸

元科一萬八百
四十三疋六寸

改科六百四十疋係嘉熙四年為始將省稅綿六
千四百兩折稅絹每一十兩改絹一疋計上件

省稅八千七百四十三疋一丈九尺六寸和買二
千七百三十九疋二丈一尺

紬二百七疋九尺七寸

絲四百六十八兩七錢

綿三萬六千三十四兩五錢除豁省稅綿六千四百兩改科土絹催納外寔催二萬九千六百一十四兩五錢省稅綿一萬五千八百八十六兩五錢和買綿一萬三千七百三十八兩

小麥正催五百石

麻皮正催一千二百斤

句容縣

折帛錢五萬二千一百五十七貫九百二十八文
除豁包認數外實催四萬八千三百二十二貫九

百九文

包認錢數
詳具下卷

絹一萬九千八百四疋一丈八尺五分

元科一萬
九千一百

四十四疋一丈八尺五分改科六百六十疋係自
嘉熙四年為始將省稅綿七千九百二十兩改科
綿每一十二兩并加耗隨絙
綿四兩八分共折絹一疋省稅一萬四千九百

九十七疋四尺九寸九分和買四千八百七疋一

丈三尺六分

紬七百八十七疋九尺七寸

絲六百二十七兩八錢九分

綿四萬四千四百六十五兩五錢除豁省稅綿七
千九百二十兩改科稅絹催納外寔催三萬六千
五百四十五兩五錢省稅綿一萬六千五百六十
七兩五錢和買綿一萬九千九百七十八兩

小麥正催四百四十五石七斗五升五合

溧水縣

折帛錢八萬六千五百五十六貫九十八文

絹一萬六千九百五十五疋三丈六尺八十一分

五釐

元科一萬五千八百七十五疋三丈八寸一分五釐改科一千八十疋係自嘉熙四年為

始將省稅綿一萬五千一百二十兩改科綿每一十四兩并加耗隨毯綿二兩五錢二分共折絹一疋

省稅一萬一千九百八十九疋二寸七分三釐和

買四千九百六十六疋三丈六尺五寸四分二釐

紬六百三疋一丈八尺五寸

綿八萬五千一百五十八兩八錢除豁省稅綿一
萬五千一百二十兩改科稅絹催納外實催七萬
一十八兩八錢省稅綿四萬五千六百九兩八錢
和買綿二萬四千四百九兩

小麥正催三百二十九石九斗九升

漂陽縣

折帛錢八萬五千二百七十七貫二百三十二文
絹一萬七千九百二疋二丈七分

元科一萬七千一百四十二疋

一丈七分改科七百六十疋係自嘉熙四年為始
將省稅綿一萬六百四十兩改科絹每綿一十四
兩并加耗綿二兩五錢二分共折納絹一疋省稅一萬六千九百九十七疋二

丈七分和買七千二百五疋

紬六百二十四疋二丈一尺五寸

絲二百六十八兩四錢五分

綿五萬九千八百二十二兩二錢除豁省稅綿一

萬六百四十兩改科稅絹催納外寔催四萬九千

一百八十二兩二錢省稅綿二萬六千六百三十

六兩二錢和買綿二萬二千五百四十六兩

小麥正催二百八十五石三斗七升七合

秋料管催

苗米二十萬七千七百一十二石一升九合除豁外

寔理米一十九萬九千一十七石九斗三升四合三

勺

于元額內照例除豁江坍寨占并無人收并等米九千一十一石八斗一升一合七勺外寔理米一

十九萬八千七百石二斗七升三勺續據溧陽縣寔田增到苗米三百一十七石七斗二升七合共寔計

上項其縣倉受納米數并折變改科糯米等常年為數不定

穰草一十六萬七千束五縣分理應副撥解江東轉

運司馬草

元額本色正草九萬四千八百八十六束并搭上加七分六釐耗樣草共計上項數

布二千四百五十七疋係五縣分理應副本府廂禁軍等春冬衣賜等用

蘆蕨四萬九千五百四十三領內一萬五千領解運

司內三萬四千五百四十三領本府歲計支用

正蕨本色

三萬五千三十九領并搭上前項糲米一百六十石改折科催蕨一萬領貼湊共科正蕨四萬五千三十九領并搭上加一耗蕨四千五百四領共計上項

折草豆錢一萬三千六百八十三貫八百五十七文
十八界錢會中半

上元縣

苗米二萬九千五百九十石八斗四升五合

正草三萬九千束

布五百二疋

正廢一萬六千六百領

折豆錢一萬二千五百八十九貫九百五十四文

江寧縣

苗米二萬二千六百五十五石八斗四升一合五

勺

正草三萬八千束

布四百二十二疋

正麋一萬八千四百三十九領

折豆錢八千三百二十三貫九百六十二文

句容縣

苗米四萬七千三百四十二石二斗九升九合七

勺

正草一萬三千三百八十六束

布五百八十八疋

折草錢二千四百六貫四百文

折豆錢二百六十九貫一百文

溧水縣

苗米四萬八千二百三十八石六斗二升二合七

勺

正草四千五百束

布四百七十三疋

折草錢二百九十四貫四百文

溧陽縣

苗米五萬一千一百九十石三斗二升五合

布四百七十二疋

折布錢二千四文

右五縣田賦之數叅之乾道舊志百年之間互有虧

增若田數則今少於昔者三百餘萬畝

乾道間未有沙田營田而

舊志所載五縣田數已有七百七十七萬一千八百餘畝今五縣具到田數并沙田圩田計之止有四百

二十四萬一千六百餘畝

若夏料所入則今多于昔秋料所入則

昔多於今其間賦稅窠名又有昔無而今有者或昔有而今無者皆未詳其所以然之故意者田有坍毀或有撥隸賦有因革或有增除姑即今日府縣所報之數按而書之爾若夫因革增除之僅可考者錄於

下卷

咸淳元年黃榜指揮輸納折帛錢關中半民間頗以措置見錙為艱大使馬光祖盡令全納關會上供現錙從本府代解二年亦如之三年請於朝並用關會起解常平坊埧錢亦如之自此為例于是金陵五邑錢楮流通為他郡倡

咸淳元年上元江寧兩縣推排和買比舊額各有增數大使馬公判云公朝講行揆量祇欲革去詭挾欺

隱及產去稅存之弊賦輸各有歸著差科咸得其平
即不求增見諸播告本府布宣德音深戒煩苛附城
兩邑厥既訖功較之原數及與不及亦不暇問也和
買例於及等產錢內均數比之登承却有增益有產
此有稅亦合照例起理但新籍甫成開場已迫人戶
不能盡悉備辦未能如期姑為一分繭絲之寬少慰
兩邑旄倪之望劄江寧上元兩縣且將今年和買綿
絹照登承數起催仍榜市曹并兩縣門曉諭仰兩縣

遍榜鄉都貼掛各令通知

咸淳三年七月減河稅務歲額商稅錢一分計錢會
一萬九千六百七貫著為例

咸淳四年三月內蠲放銀林東堤稅錢大使馬公判
云銀林東堤官旅往來和僱車船自寶祐元年立定
規式斟酌已當近聞本務巧作名色官牙私牙乘時
為姦苛取不一重為往來和僱者之困當使聞之久
矣契勘本務課額自寶祐減旋之外月解至為不多

一行人挾此為名入於公者一歸於私者十若官司不為倡率一筆勾去則雖榜文日下戒飭日嚴終不能革損上益下古有明訓倡自官府令乃可行當使平生樸寔工夫寔不欲見之空言合行下本務將月解本府車船水脚官錢以成年計之約計四萬餘貫十八界並與除放免解抽回清冊毀抹所以如此施行者正為寬商之地若牙儈不體此意而仍前誅求高價者決不容恕本府自當時時覺察犯人重議施

行守此之令堅如金石備判鏤榜

咸淳四年四月內放免人戶夏稅市例錢大使馬公判云人戶輸納物帛則例前此已行痛減十數年來因而行之他無增損受納官人從并場衆合得者且當仍舊若又痛損則吏姦捷出必將多方賣弄又漁獵于常例之外前輩所謂好處却穿破是也母已惟有將市例錢一項一切罷免其人從并場衆合得者別措置從官給此蓋損上益下酌中絜矩之道若以

紕薄為堪好以餬藥為厚實致令美惡之易位誤認
選委之初心事關上供責有攸屬備榜五縣并鏤小
字榜散貼俾深山窮谷小民皆戶知之務在經久庶
可持循其有已算在攬戶名下者仰自行理算

鏤榜式 勘會咸淳四年分夏稅物帛開場在即已
選委官受納所有場衆舊例合收市例錢今並與除
放既放之後却恐吏姦捷出漁獵于常例之外合從
官司措置官錢代給除已備榜五縣及場所曉示外

所合鏤榜遍行張貼曉諭人戶知悉其正錢并場衆
食利並在下項之內不許分文增添如攬戶輒敢多
算人戶錢數一文以上計贓定罪其有已算在攬戶
名下者仰自行理算開具下項須至指揮

上元等四縣

紬每疋取十八界會一貫四百二十一文七分二
釐今減六十文一分五釐五毫實交一貫三百六
十一文五分六釐五毫

絹每疋收十八界會一貫四百二十一文五分八釐今減六十文一分五釐五毫實交一貫三百六十三文五分五釐三毫

絲每一十兩收十八界會二貫七十一文三釐二毫今減六十三文六釐九毫實交二貫七文九分六釐三毫

綿每一十兩收十八界會一貫八百八十七文七分二毫今減五十四文七分三釐四毫實交一貫

八百三十二文九分六釐八毫

小麥每石正收十八界會九百六十五文今減一百二十九文五分實交八百三十五文五分

麻皮每一十斤收十八界會一貫九百一十文四分八釐今減二百一十五文七分六釐實交一貫五百九十四文七分二釐

折帛

錢每買正錢許以關子一貫
文或十八界三貫文送納

仍照則例每貫

收頭子等錢十八界會三百六十二文四釐今減

一十九文三分五釐實交三百四十二文六分九釐

溧陽縣

紬每疋收十八界會一貫四百八十八文二分五釐今減一百四十一文四分五釐實交一貫三百四十六文八分

絹每疋收十八界會一貫五百六十七文八分五釐今減一百四十六文六分五釐實交一貫四百

二十一文三分

絲每一十兩收十八界會二貫一十文一分今減
一百五十九文八分實交一貫八百五十五文三
分

綿每一十兩收十八界會一貫九百五十三文今
減一百五十九文八分實交一貫七百九十三文
二分

折帛錢每貫正錢許以關子一貫仍照則例每貫
文或十八界三貫文送納

收頭子等錢十八界三百五十二文四分四釐今減一十九文三分五釐寔交三百三十三文九分右令鏤榜曉諭各仰知悉

咸淳四年十月內重依文思院式鑄銅斛受納大使馬公判云苗倉受輸之斛自紹興年間朝廷發下文思院式樣之後歲久更換不常州府不曾子細契勘聽其添新換舊剗造一等新斛所謂新斛者多用碎板合成厚薄不等其口或敞或撮其製或高或低分

寸差殊升斗贏縮官員每早入倉斗級謬為新斛詭稱公當其寔不然瞬息之間納米叢脞心機手法捷若鬼神病弊萬端不可枚數究其大指則攬戶城居也倉斗亦城居也或自為攬戶或自非攬戶而子壻親戚為之事同一家臂指相應始者受納民戶之米民戶鄉人也豈能一一計囑此曹就使效尤局生情節不能相符故自納者常是喫虧堆頭量米已自取尖暨過廳前復行打住拂去尖角再令增加至於攬

戶人納則盡是自家人暗記小斛計囑扛夫注米則如奉盈倒斛則必看鐵或用泥塗其底或用板襯令高過廳則疾走如飛官員雖欲詰問而已去却取民戶之有餘以補攬戶之不足糝碎當篩不篩而亦交濕潤當退不退而亦來今日退出明日復入而亦如是利盡歸於猾攬矣民戶則無是也一行倉斗都吏所差彼固不應無謂而差而被差者皆以錢買也借錢做債以媒身幸其着身而償債享肥甘據娼妓皆

做此一番經紀而吾民之膏血不得而不朘削矣此固老守之所痛心疾首者也始者銳意剏造銅斛一百枚易去木斛以垂永久鑄未易成受輸已迫僅鑄其一餘則悉用全片之板為之鐵葉幫釘以周斛身底板不湊防換易也桶板成片防脫落也當廳較製矣更請僉廳官審而較之非為一時計也雖然老守至此已閱五周行且謀去作法詎能無弊美意貴於迓續至於體認而力行之則老守雖去猶不去也舊斛

索上劈碎焚之通衢仍雕小榜使戶知之異時豈無
收一二於千百以為印證者乎並榜

景定建康志卷四十

欽定四庫全書

景定建康志卷四十一

宋 周應合 撰

田賦志二

營租

紹興初以閒田立官莊以畸田募耕墾此營田所由始也初以軍耕後以民耕初以稻入後以鰲入初以飼馬後以餉軍初則優其課蠲其征而民樂趨之後則民畏之畏欲避之而籍不能改矣今其租入隸於總領所建

康五縣田地以畝計者二萬七千七百七十四畝九十
九步半租以錢會計者四千四百二十貫五百五十二
文一半用官省現錢以麥計者五十六石八斗四升二
合三勺以料計者一萬三千八百七十二石九斗八升
五合四勺

上元縣 營田地等三千一百一十四畝三角三十
一步 錢會五百三十五貫八百九十四文 大
麥四十三石八斗九升六合 馬料二千一百七

十七石二斗八升

江寧縣 營田地等一萬一千五百二十四畝三角
二十一步 錢會五百七十二貫九百七十八文
大麥九石五斗九升二合 馬料六千五十石
四斗三升五合四勺

句容縣 營田地等七千七百五十四畝三角三十
九步 錢會一千一百二十七貫六百一十一文
馬料四千四百二石三斗三升

溧水縣 營田地等三千六百四十畝三角 錢會
八百三十七貫八百七十文 馬料一千二百三
十二石五斗七升

溧陽縣 錢會一千三百四十六貫一百九十九文
小麥三石三斗五升四合二勺 馬料三石一
斗七升

沙租

沙租云者沙磧之地民墾而業之或以種穀或以長蘆

而縣乃收其租焉自淳祐八年田事所差官經理縣不得有其租而隸之總領所未經理之前沙田沙地租皆以錢經理後田租納米地租納錢多寡互有不同寶祐三年有旨三分減一以寬民力今建康五縣沙田沙地共計一十六萬二千三百五十八畝六角五十四步六分租以米計者四萬二千四百四十七石四斗四升二勺錢不與焉

上元縣未經經理前沙田每畝一百九十四文沙地每畝五百二文並錢會中半蘆場每畝起四束雁兒蘆葦每畝起二束每束並折四百二十文足草塌藕池芟蕩每畝三十九文八分白面沉水

沙每畝一十九丈九分淳祐八年經理後沙田每畝納米一斗五升沙地每畝一貫二百文蘆場每畝一貫雁兒蘆葦每畝四百文草塌藕池茭蕩每畝二百文白面沈水沙每畝一百文並納十八界官會江寧縣未經理前沙田每畝四百三十一丈沙地每畝三百四十五文蘆場每畝二百一十八丈草塌每畝四十九丈三分並錢會中半淳祐八年經理後沙田每畝起米一斗五升沙地每畝起租錢一貫二百文蘆場每畝租錢一貫草塌每畝租錢二百文並十八界寶祐三年朝廷行下于已經理租米租錢數內三分減一諸縣一體施行

圩租

景定二年準省劄坐下江東轉運司括到吳府圩田租數隸建康府上元溧水兩縣者歲計租米一萬三千七

百七十八石八斗八升四合五勺租麥一千四石五斗九升五合並文思院斛撥入淮西總領所理充支遣稅田租米不在此數

蠲賦雜錄

江寧縣嘉定八年六月初七日準府帖備準尚書省劄子節文本路安撫轉運奏請建康府城南第一第二第三都係江寧縣紹興中推行經界將人戶房地起納兩料役錢成年計六百四十四貫七百二十八文後於淳

熙五年內本縣將家業營運初增作和買綿絹錢共三千七十二貫八百五十六文較以疇昔已多二千四百二十八貫一百二十八文民力重困欲從本府及運司各於支用錢內中半包認取撥自嘉定八年為始每一歲一處均補錢一千二百一十四貫六十四文却乞將剏置和買盡與除豁其現在房地以經界則例起催元來兩料役錢六百四十四貫七百二十八文從本縣令項催赴本府交納添湊兩司包認錢共作三千七十二

貫八百三十六文理充上項除豁科名起撥上供五月二十九日奉聖旨依劄付本府已備帖江寧縣遵守及申安撫司轉運司照會其逐項錢已自嘉定八年為始包認至今照已降指揮施行

轉運副使真德秀板榜契勘建康府江寧縣城南廂第一第二第三都偶因淳熙五年增科家業及營運錢起息和買綿絹錢二千四百二十八貫一百二十八文委是重困于民本司同建康府乞自嘉定八年為始各包

認一半却將上件增科和買綿絹盡與除豁所有本縣
每年元催兩料役錢計六百四十四貫七百二十八文
從本縣令項催促赴建康府交納添湊轉運司并本府
包認錢共成三千七十二貫八百三十六文理充初增
和買綿絹等事本司同建康府已於嘉定八年四月二
十六日具奏回准嘉定八年六月三日尚書省劄子五
月二十九日奉聖旨依劄付本司已帖江寧縣知佐遵
從施行并牒建康府照會仍於合解本司科各錢內扣

豁一千二百一十四貫六十四文作本司包認城南民戶和買綿絹一半錢數今據建康府申已扣豁到錢二百九十七貫八百一十四文外有未截錢九百二十六貫二百五十文申乞契勘別有合截科名錢數行下本府扣截貼湊解發施行奉運使修撰直院舍人台判有利民之名必須有利民之實本司昨與建康府共申朝省乞將江寧縣城南廂第一第二第三都增科和買綿絹錢除罷其合解發上供錢各行包認一半本司遂牒

府將合解本司錢截支今據都僉廳官申劄稱祇有二
百九十七貫八百二十四文可截當職竊思若每歲如
此將恐因循成例將不可推之科名掇與本府本府不
免以別色官錢陪解是本司徒有利民之名初非有利
民之寔也如此則已罷之和買它時未必不復除嘉定
八年錢送僉廳契勘將新近合解錢截撥湊數外所有
嘉定九年錢候本府起催和買日徑申本司將經常錢
盡數發下其本府入解本司錢却正行催理自今歲以

為常案造板榜一面黑漆白字陷置本司廳壁庶幾後政永遠遵守牒本府僉廳照會

句容縣均豁和買記有一言可以懷天下曰平而已平之義聖者莫能易也我國家于民役和買之制豫給緡錢責償於後寔利之云故貸以春輸以夏秋補於其不足斂于其有餘熙陵仁風動盪有截范蜀忠文公嘗筆此舉於東齋記中歷祥符熙寧法寢以立由鰲而給鰲齧亡而額自若殆失初意顧罔不受命則有平之義存

焉耳邑隸建鄴者五合一府所應輸均之五邑宜也有
為紹興時相鄉曲地者指上元江寧為寇攘焚盪之餘
無所從出遂併抑之溧陽溧水句容三邑蔓延迄今邑
不以告固有待焉溧陽溧水源源搏裁弊久未除莫句
容若民之戴白者相與言吾屬供賦夥將奚辭不容已
吾言者偏耳雖然利害等謹毋言當有為吾平之者淳
熙庚子郡丞張君挺果嘗有請于去郡調守零陵之日
事雖中止其說不誣逮慶元六年少保吳公琚以重臣

居留喜任所部興利除害之責又邑令趙君時侃雅意
為民亟疏顛末累數千百言一再白公公慨然動心即
曰露章乞歲捐郡計以寬民力天子既從公請乃召觀
察推官劉君叔向而語之曰句容增賦之弊吾欲斷自
今始出州家萬三千緡為之代輸朝奏九重而暮拜曰
俞之詔然則奉行德意之盛可無其人子其為我條均
豁之要劉君於是贊美不暇畢智幕府稽實簿書家有
塵征戶有畝稅一金以上等殺秩秩不使黠胥並緣肆

欺民受虛賜凡均豁之目絹疋二千十九綿兩萬一百六十不平之賦削于一朝槩之旁邑平矣顧其事未及示民而吳公疾病致為臣而歸適太府卿王公補之將指餉軍就攝帥事樂成前人之志復得劉君力右其說荐於剡奏圖功攸終時趙君去令已久齊君礪來繼之奉命益虔計等均豁濃墨大字揭諸通衢稚耄聚觀曰此吾趙令君權輿之齊令君緒成之吾黨何能報耶君謙不自居方與民歎詠天子之德之閭二帥之請之力

舊令之慮之遠府寮之畫之精此其歸美之忠推行之
善豈為一日計哉沆居宣宣隸建鄴視句容為一道從
往來者得君句容之政廉以律已明以決訟惠以養民
威以戢吏邑自常賦外一毫不妄取予而學宮社壇狂
獄逵路與夫董征之解銖累羨財繕治一新知所先後
類非苟於應縣課者所能及也當路諸公列上政績行
為時用矣有如均豁一事雖倡自趙君而委實推行無
復遺恨則君之有功是邑尤多夫以天子之加惠二帥

之將順趙君之建謀劉君之叅贊必得當世名能為文
詞者垂之永久而遠以屬沆失所擇矣沆去年秋仲解
貴池縣章回視三年撫字催科僅不乏事莫能大有建
立動人耳目故重違君請且以自媿云爾君世為青社
人今家錫山寔淳熙名臣次對文華公之子治縣有聲
不問可知沆獨取其大者書焉蓋革弊為難而三數君
子相承一心拔本塞源損上益下難之尤者自春及冬
君法當代可無以告後之人俾知革弊之難相與謹守

庶乎稱物平施之意偕宋無極為斯民者何其幸歟嘉
泰四年三月三日奉議郎提轄行在權貨務都茶場頭
州韓沆記并書

趙時侃申豁和買役錢狀照對時侃所領縣在使府屬
邑最為僻陋壤地硤瘠賦重民貧無間歲之凶豐動輒
轉徙時侃竊嘗尋流溯源而考求其故本縣元額和買
絹八千四十九疋綿三萬八千九十兩後因江寧上元
兩縣房廊營建店業之家蕩然於兵火之餘人戶多是

流寓遂權將在城人戶合納和買絹一萬餘疋綿一萬一百六十兩敷下外三縣包納本縣添起和買絹二千一十九疋已是重困而和買綿一萬一百六十兩不及溧陽溧水兩縣乃獨盡令句容一縣包認紹興間宋侍郎知建康日申請除減諸縣前項續增和買絹不幸句容一縣獨無時相產主一時觀望却出榜曉示謂句容逐年催驅稅賦數足祇將溧陽溧水縣元包認城下兩邑絹數除免外而句容例增之絹獨認之綿不與焉猶

以為未也則又以句容縣合減絹二千一十九疋之數再行均減在其餘四縣則是將句容縣合減額外增添稅賦却與上元江寧溧陽溧水四縣再於額內除減自是民始不堪矣至淳熙七年本府通判張朝奉任滿差知永州上殿嘗以句容租稅過重為請得旨行下蒙上司委寧國府趙通判前來取會而邑民貧困無力相繼陳雪未奉施行時侃請言坊郭所科和買之不均在城江寧上元兩縣有房廊之家少者日掠錢三二十千及

開解庫店業之人家計有數十萬緡者營運本錢動是萬數並無分寸和買句容縣有房廊及開解庫店業之家富者家計不過五七千緡而止營運本錢不過三二千緡而止其日掠房錢一百五十六文足者即起納和買絹一疋開解庫店業之家營運業錢每一貫文足即納和買絹二寸二釐八毫各家歲納和買絹不下五七疋則府城之人何其幸而縣郭之人何其不幸耶此特坊郭之不均耳時侃請言鄉村所租和買之不均且上

元之與句容境壤相接阡陌相隣句容縣上等人戶每田一畝起納和買絹一尺六寸二分六釐三毫和買綿五分五釐五絲上元縣上等人戶每田一畝只起納和買絹三寸一分買綿二分二釐則上元之村民何其幸而句容之村民何其重不幸耶均是屬邑也均是赤子也其稅賦大不侔如此其他諸縣如江寧每畝止科和買絹六寸如溧陽溧水雖等則紐算不同亦無有重如句容者夫減免之恩既不能例霑而合放之數又均在

他縣人戶日貧而稅賦日增斯民有轉徙而已痛哉榜
文數語之禍也噫其忍言之哉時侃職在字民訪求利
害無大於此重以催科撫字之責叢於一身政拙心勞
不敢偏廢雖催理之際究心盡力不敢輒違使府比較
期限以上勞督責而此身如據針氈而坐未嘗一日敢
安也苟於是時不能激切而詳言之豈惟無以紓邑人
鬱鬱不獲伸之志亦將上辜使府布宣寬大勤恤民隱
之意矣時侃區區之愚欲乞鈞慈於比較諸縣催科之

時念邑民困於賦稅之重其來已久摘出句容一縣別
賜寬假以蘓民力不勝大願仍乞斷自鈞慈特賜敷奏
將本縣例認之絹二千一十九疋獨認之綿一萬一百
六十兩撥還上元江寧兩縣在城人戶名下仍舊均納
施行庶使一邑之民共戴天地父母無窮之恩

大卿李大東蠲和買榜契勘本府近準轉運使臺牒據
管屬句容縣市戶朱裕等狀本縣係山邑不通舟楫坊
郭之內多是貧民下戶應于貨賣物色並是入府城打

發下縣所得甚微每遇官司推排却有一項虛椿管運錢六十五貫一百七文計買絹八十六疋三丈官折錢四百三十三貫七百五十文白乾敷認於編戶名下陳乞比附江寧一體除免本府并江東運司遂委本縣丞簿尉同共講求利病本職照得本縣每歲于田產店庫上已均敷和買絹八千二百四十餘疋坊郭房廊賃錢上已均敷二百二十餘疋却又白敷坊郭市戶八十六疋有奇謂之虛增營運錢每遇推排別置一局深局固

鐫關防備至凡邑之民次第高下號十等戶雖負販小
夫下至植蔬鬻餅之徒稍能經營者在焉內擇一人董
其局事令自相糾決銖較寸量譁然爭競甚于仇敵雖
民力有限虛額常存必欲包認八十六疋而後已遂使
詐力者以多為寡弱者宜寡而多結局未幾詞訴蠭起
其弊非一日矣本職以虛增八十六疋計之為錢僅四
百三十餘緡緣事關州郡經賦申府施行奉知府安撫
留守制置殿撰大卿台判上件絹科之本縣坊郭民戶

遞年推排擾害不一不止催科追擾而已案帖縣自九年為始與蠲除本州自行包認仍具申轉運司本府已帖句容縣遵從自嘉定九年為始蠲免本府自行包認及具申轉運司照會了當合行曉示永遠為照除已出版榜句容縣門釘掛曉示民戶知悉如本縣不遵使府已行蠲免妄作名色催理許被擾人具狀經府陳訴切待追捉縣吏典押送獄根究從條施行

溧陽縣均賦役記嘉定十有一年正月望日山陰陸子

適從天官選來知縣事至之日延見士民間所先急咸以和買及差役對子適曰請問和買之弊則曰名和買而不給直此已往事民不為病今之弊在於虛額子適曰何謂虛額則又曰常產之謂實貨財之謂虛常產之所賦出於甲則入於乙出於乙則入於丙視產之所在為賦之所繫彼貨財則不然或藏金珠或鬻醴茗或蓄馬牛或乘舟車或廣棟宇或啓貿易或稱子本若此之類和買出焉其全盛則從而加之不為難其衰替則不

可得而損至有身淪乞丐而負和買數十百緡者以無
所受焉故也民既被其害官亦無所入是筭楚於無告
之地文移於徒設之所何弊如之子通曰請問差役之
弊則曰自胥吏之徇私也而取決於書手自書手之患
滋也而求正於推排使推排之公也尚恐不能無弊而
推排一有不公則訴訟互興而姑仍舊貫之說興焉鼠
尾之不立而銷丹之莫辨白脚之隱匿而析戶之規免
竄形詭迹深閉固拒雖婁眼曠耳且弗能察名之曰承

充而未嘗任責者有之名之曰宜充而家業已罄者有之富者無一日之勞而貧者困游歲之擾民有妄差之患官有乏使之虞苟非因民之有詞則亦何從而考察子適曰謹奉教子適昔者聞之先太史和買必履畝而後可或者以為履畝則困下戶殊不悟察第賦和買則惠姦而病良析上下之等則豪家大姓所以欺罔者萬端姑槩言之則名字行第小字稱謂裂為數戶者有之若祖若父若兄弟若子姪若姻黨剖為數十戶者又有

之大抵歲月寢久則上戶皆入於下惟謹畏之家不敢肆欺者則和買之額偏聚焉而重受其害如是乃下戶歲加進而上戶曰加削愚弄官府虐視良民安可不革子適聞而銘於膺踰三十年矣與今日所聞合為二大患夫差役之弊誠未易革而其為弊則所在不同蓋鄉閭族黨自有公論吏姦蔽障情不上達若能一聽民欲不使吏與其間則謀無不成舉無不遂比年以來浙中之義役江西之議役行之而民以為便義云者使民以

等第捐粟以募役議云者戶之高下役之久近一聽於衆議有司但視成而已若酌二者之宜而折衷焉使村都之腴者損粟以募役其乏者議定而行之當不為難其明年冬會庾臺舉行推排義役事子適欣然奉命先致力於和買舊比家業錢六千以下與夫變菰蘆而藝蕒杭者和買皆不與於是悲比而同之列為九品履畝成賦揭令一出民無異辭虛額之害不除而自除詭戶之姦不革而自革與夫啓告訐之門滋議逮之擾者不

可同年而語矣其次從事乎役乃告之尉陳君嶸山前
巡檢陳君錫羅君球臣舊縣巡檢羅君鎰相與自邑而
分鄉自鄉而分都自都而分保能捐粟者從其便不能
者以官產代充凡與役之家皆書名而叙其次第與捐
粟之多寡焉豪者不得逞其私鄉胥莫能肆其欺矣於
是悉去和買之虛額凡為帛五千六十緡而贏續萬九
千六百兩而縮其均之常產者凡為帛三千一百六十
緡而贏續萬三千五百兩而縮均之業錢六千以下者

凡為帛八百七十縑而贏續二千九百二十兩而贏自
旅蘆而杭蕤者其均之為帛千三十縑而縮續三千一
百八十兩而贏役戶凡得保正三百六十有七保長二
千八百八十有七其次第自嘉定庚辰至於庚寅周而
復始其捐粟歲通二千九十石有奇穀四萬八百斤有
奇官補其不足者七百六十有六石為畝三千七百二
十有奇又明年夏督稅秋督租其效則倍於前其力則
省於舊官事無乏而民害頓除矣竊惟子適迂拙狷疎

潛心往哲無能為役一旦取民不便者上稽父師之訓
傍酌輿人之論內則斷以己意不以衆搖不以難止用
能底於有成豈非幸歟然變更往轍以便目前昔人所
以遺後來者往往自子通而無傳則惡得無罪故直書
以識吾過嘉定十有三年仲冬壬辰承事郎知建康府
溧陽縣主管勸農公事陸子通記并書

馬光祖倚閣諸縣積欠苗稅寶祐三年榜示元年五縣
現欠夏秋畸零二稅權行倚閣以寬民力夏稅折帛錢

七萬六千五百三貫四百三十六文絹八千六百四十
二疋一丈六尺九寸綿一萬六千二百一十一兩五錢
七分絲一百七兩六錢五分秋苗粳米三萬四千一百
八十五石八斗六升七合糯米一千二百九十五石五
斗六升三合穰草七千五百六十九束豆錢一千三百
一十七貫七百六十八文十八界錢會中半仍帖各縣
將目前已催在官未解府者盡數起發一毫不許欺隱
二三年照現催却不許又行拖欠出榜曉示仍申朝省

戶部照應

寶祐四年榜示三年六料催科所在皆然事關上供本
難蠲閣緣今歲諸邑間有被滂去處損上益下有不
已榜帖下三縣將二年折帛錢絹并穰草未催之數
普下權與倚閣以寬民力夏稅折帛錢六萬八千二百
九十二貫九百七十二文絹一萬一千八百九十九
疋二丈六寸三分綿二萬五百七兩二錢六分紬
五百八疋二丈六寸絲三十五兩四錢五分秋苗
粳米二萬七千

九百九十石二斗八合二勺糯米四百五十六石八斗
一升四合穰草四千九百二十八束豆錢二千八百九
貫二百二十三文其民戶有已等在團攬名下者仰一
面自行理取庶幾實惠及民其已催在官者自榜帖下
日為始倒底解發不許隱漏如違根究

寶祐五年榜示今年夏稅若以二年比之尚未及數且
特與倚閣以寬民力榜懸門仍帖縣照應通前若放過
五縣夏稅折帛錢一十五萬三百三十五貫七百五十

二丈十八界錢會中半絹二萬一千一百九十六疋三丈五尺三十七分七釐綿三萬六千七百六十八兩八錢三分紬五百八疋二丈六寸絲一百四十三兩一錢秋苗粳米六萬一千一百七十五石九斗七升五合二勺糯米一千七百五十二石三斗七升七合穰草一萬二千四百九十七束豆錢四千一百二十六貫九百九十一文十八界錢會中半

馬光祖蠲秋苗斛面寶祐三年榜文照得受納秋苗斛

面事關郡計一粒以上指為經常支遣本亦未易蠲除
然寬之一分培植根本乃芻牧之本心況當使增耗正
恐專斗無藝取於斛面故使明增今明增之外又再尖
量即是增而又增官司之取於攬戶者如此攬戶之取
於百姓者又不止是當使假守當塗之時除明收耗米
之外並聽百姓親自行槩撙節支遣亦自不致大段虧
損豈此例可行於當塗而不可行於留都乎備餽榜曉
諭餘照條收明耗米外並聽民戶親自槩量但不許虧

官仍帖受納官并諸縣照應使明知此意毋為攬戶多

算庶幾百姓可被實惠

自寶祐三年冬免收斛面外每年計虧指擬經常米一萬八千石

開慶元年榜示照對本府受納秋苗自來所取斛面為數甚夥自當使開閭通年優減除合收數外並聽民戶親自執槩人所素知今準朝省備據臣寮奏請每亩一石止收義耗用米共四斗二升選委廉謹官員下場受納務在盡革前弊聖恩寬大惠養元元培養根本本司所當奉以布宣為屬部郡縣之倡合鏤榜曉諭並遵照


朝省指揮行仍申省部照應

通前計虧經常米七萬三千餘石

馬光祖蠲除兩縣虧隱稅額上元江寧兩縣逐年姦民
遇起催夏秋二稅拘納虧隱等稅錢寶祐三年八月二
十二日具呈潘府判擬申呈奉台判姦民果有欺隱究
見主名分曉付之三尺其將姦辭若槩立欺隱之名不
得欺隱之實歲歲為例責令戶長代輸戶長決須斂掠
人戶兩縣之入於府者不滿三千緡而齊民之受其害
者不知其幾也以若所為殊非理財正辭之義潘通判

所擬可謂切當有志於民並自當使交割日為始一切
住罷仍備榜曉示不許縣吏鄉胥尚循舊轍私行催討
本府儻有所聞決不輕恕知縣失覺察亦議責罰上元
江寧兩縣共放過錢一萬八千二百一十六貫五百文
制使姚希得任內蠲放和州水退租米壹萬五千餘石
永遠築堤壅水以限戎馬和州截三湖出江之派築堤壅水為戎馬限數十里膏腴
莽成巨浸以畝計之二萬八千有奇前政吳制置盡決
堤水起立屯租名曰水退以石計之一萬四千有奇未
幾守臣以備禦為請仍前築堤更不申明為民蠲租遂
使屯戶年年訴潦本司年年檢踏追會紛紛終歸放免

非徒無益而又害之景定三年十二月準使判所謂檢
滂放租者以天時不能常滂則田租不致常蠲是不容
以永免也今和州之堤以備禦言則此堤當與國相為
悠久矣此堤既無可撤之時則此租終無可入之日不
永免而何待哉分司所由正與當職之見合雖田免之
數計萬五千餘石然事之便民者豈容靳于施行自景
定三年為始水退租一項永與蠲免從前所欠併與住
催劄和州及分司照應備榜曉諭有合關防事件僉聽
具呈仍申
朝省照會



景定建康志卷四十一

欽定四庫全書

史部

景定建康志卷四十三

詳校官監察御史臣沈孫璉

檢討臣德生覆勘

總校官檢討臣何思鈞

校對官中書臣張曾炳

謄錄監生臣陳燦

欽定四庫全書

景定建康志卷四十二

宋 周應合 撰

風土志一

江左人物金陵為盛蓋土地所生風氣所宜也既作古今人表及先賢傳更書民風以志其習書民數以志其聚書第宅以志其安書丘塚以志其藏書物產以志其阜書妖祥以志其異作風土志

當塗江陵九江皆有風土志

風俗

隋志曰丹陽舊京所在人物繁盛小人率多商販君子資于官祿市廛列肆埒于二京人雜五方俗頗相類

杜佑通典曰永嘉之後衣冠違難多所萃止藝文儒術斯之為盛今雖閭閻賤隸處力役之際吟詠不輟蓋因顏謝徐庾之風焉

沈立金陵記云其人士習王謝之遺風以文章取功名者甚衆

祥符圖經曰君子勤禮而恭謹小人盡力而耕殖性知

文學音辭清舉

顏介之曰南方水土柔和其音清舉而切天下之能言唯金陵與洛下

楊萬里曰金陵六朝之故國也有孫仲謀宋武之遺烈故其俗毅且英有王茂弘謝安石之餘風故其士清以邁有鍾山石城之形勝長江秦淮之天險故地大而才

傑

時楊公為江東轉運副使

游九言曰每愛金陵土風質厚尚氣前年攝行倖事日

受訴牒不過百餘較劇郡纔十一爾為吏為兵者頗知

自愛少健狡之風工商負販亦罕聞巧偽

游為撫幹

句容縣在江南卑溼之地火耕水耨民食魚稻以漁獵山水為業果蔬蠃蛤食物常足故皆窳偷生亡千金之

家縣志

溧水縣有山林川澤之饒民勤稼穡魚稻果茹隨給粗足雖無千金之家亦罕凍餒之民信巫鬼重淫祀畏法奉公各守其分安業重遷尤好文學承平時儒風藹然

為五邑冠

溧陽縣介江淝之間其君子篤厚恭謹恬靜自得藝文
儒術藹然相尚其細民務本力農淳朴質直類知畏法
名儒勝士多因避地來寓溧上往往樂其風土而定居
焉宗丞王端朝曰是邑有李太白之英風故其人多秀
而文有伍子胥之故迹故其俗多義而勇

民數

主戶一十萬三千五百四十五口二十二萬一千七百

五十五

客戶一萬四千二百四十二口二萬六千四百四十一

隸上元縣者

主戶一萬一千二百八十口一萬五千七百八十五

客戶七千四百六十六口八千七百五十七

隸江寧縣者

主戶一萬一千三百五十四口一萬六千四百八十五

客戶二千二百五十七口二千四十七

隸句容縣者

主戶二萬二千三百七十口五萬一百三十

客戶三千九百九十六口七千二百一十三

按乾道舊志句容主戶二萬五千八百九十七主丁
口六萬七千五十客戶二千四百九十六客丁口五
千七百六十六較之今數主戶減二千五百二十七
客戶增一千五百

隸溧水縣者

主戶二萬二千五百二口四萬四千八百六十六
客戶二千二百五十九口八千二百五十九

隸溧陽縣者

戶六萬三千九百八十三口一十三萬七百五皆主戶
也

按乾道舊志溧陽主戶三萬一千二百一十二口六
萬八千九百三十一客戶無較之今數主戶增三萬
二千七百七十一口增六萬一千七百七十四

災祥

周顯王三十六年楚熊商見地有王氣 秦始皇三十
七年望氣者言五百年後金陵有天子氣 吳太祖元
年夏五月甘露降于建業黃武四年七月地連震赤烏
十三年八月丹陽句容諸山崩洪水溢太元元年風拔
樹三千株石碑搖動城門瓦飛落永安元年十一月甲
午有風四轉五復蒙霧連日三年赤烏見四年白龍見
五年白虎門北樓災七月黃龍見六年十月癸未石頭

小城西南災甘露元年甘露降蔣陵建衡三年十一月
鳳凰集西苑天紀三年建業有鬼目草生工人黃耆家
晉元帝渡江時望蔣山有紫氣時時晨見永和三年
夏四月地震五年十一月甘露降崇平陵玄宮前殿七
年七月濤水入石頭溺死者數百人九年秋七月丁酉
地震有聲如雷十一年夏四月隕霜地震升平二年冬
十一月地震寧康三年十二月甲申神虎門災太元元
年夏五月癸丑地震二年閏三月壬午地震暴風折木

發屋揚砂石十一年二月壬子暴風發屋折木冬十二月戊子濤水入石頭毀大航殺人乙未大風晝晦延賢堂災十五年三月己酉朔地震東北有聲如雷八月己丑地震十七年夏六月癸卯地震甲寅濤水入石頭毀大航十八年正月癸卯朔地震二月乙未又地震隆安二年九月地震元興三年庚寅夜濤入石頭漂毀大航殺人其聲動天 宋元嘉五年正月庚午朔大風大水六月庚午都下大水十二年四月丙辰夜地震十四年

鳳凰見改其地為鳳凰里十七年十一月乙酉朔甘露
降于樂遊苑二十年六月秣陵縣白雀見二十一年七
月甘露降于樂遊苑二十三年六月甘露降于長寧陵
二十四年三月甘露降景陽山二十五年四月丁丑青
龍見于玄武湖南五月戊戌黑龍見玄武湖二十九年
十二月戊申黃霧四塞孝建元年十一月甲申甘露降
長寧陵大明元年五月壬子紫氣出景陽樓狀如煙迴
薄久之二年夏四月辛丑地震六年二月戊午甘露降

于京師秋七月甲申地震有聲如雷七年四月大風折
和寧陵華表泰始四年正月丙辰朔雨草于宮泰豫元
年正月丁巳巨人跡見西池冰上 齊建元元年二月
地震建陽門永明元年望氣者言新林婁湖有王氣帝
乃築青溪舊宮作新婁湖苑以厭之十年都下大水

梁天監元年正月乙酉甘露降于茅山彌漫數里三年
戊辰重雲殿東鵠吻有紫烟出屬天六年八月戊戌大
風折木京師大水濤入御道七尺十年九月丙申天西

北隆隆有聲赤氣下至地中大通五年地震大同元年
十月黃塵如雪二年十一月都下地生白毛長二尺九
年正月丙申地震生毛四月丙戌同泰寺浮圖災太平
元年九月龍見于御路自太社至于象魏 陳天嘉四
年六月丁未夜白虹兩道出北斗間重雲殿災六年七
月癸未大風自西南至纔廣百餘步激壞雲臺候館太
建七年九月甘露三降樂遊苑八年正月庚辰西南紫
雲見九年七月大風雨震萬安陵華表癸亥震瓦官寺

重門一女子死十年六月大雨震大皇寺刹莊嚴寺露
盤重陽閣東樓千秋門槐樹鴻臚寺府門十二年六月
大風壞臯門中闥九月天東南有聲如風水相激三夜
乃止十三年九月癸亥夜大風從西南來發屋拔樹大
雨雹十四年四月建康江水色赤如血八月丁酉天赤
如火九月辛亥夜天東北有聲如蟲飛漸移西北至德
元年九月丁巳天東南有聲如蟲飛十二月戊午夜天
開自西北至東南其內青黃雜色隆隆若雷聲禎明元

年正月乙卯地震二年夏四月羣鼠無數自蔡洲岸入石頭緣淮至于青塘兩岸數日自死五月甲午東冶鑄鐵有物赤如火大數升自天墜鎔所隆隆有聲如雷鑄鐵飛出牆外燒人家丁巳大風自西北激濤水入石頭城秦淮暴溢漂沒船舫又船下有聲云明年亂視之得嬰兒三尺無頭又蔣山衆鳥鼓翼拊膺曰奈何帝奈何帝又府城無故自壞青龍出建陽門井中湧赤霧地生白黑毛大風拔朱雀門 五代偽唐天祚元年二月甲

申金陵大火乙酉又大火大和中徐知誥典金陵鍾山之陽積飛蝗尺餘厚有數十僧白晝聚首啗之盡昇元六年十一月丁丑溧水縣天興寺桑樹生木人廣順二年建康災焚廬舍營署踰月乃止

第宅

張昭宅在淮水南對瓦棺寺張侯橋所橋因宅而名

考證丹陽記大長干寺西有張子布宅 本傳昭仕吳言不用杜門稱疾帝恨之以土塞其門復以火燒

之諸子扶昭起朝

諸葛恪宅在縣東二里古元風觀前南接青溪里其東即江令宅也

是儀宅在西明門臺城之西

考證吳志是儀為人儉讓不治產業又愛施惠宅在西明門甚卑陋雖處尊官弊衣簞食帝聞之幸其宅求視蔬飯親嘗之對而嘆息有所增加皆辭而不受又一日儀隣家起大屋孫權出望見左右對以是儀

家權曰儀儉必非問果他家其見信如此

駱監軍宅在上元縣東二十五里崇禮鄉土山之下父
老傳云吳駱監軍宅也

考證吳志駱統字公緒封新陽亭侯嘗為濡須督此
宅疑所居也今基址猶存

陸機宅在秦淮側又金陵故事臨秦淮有二陸讀書堂
其跡猶在

考證陸機入洛作懷舊居賦云望東城之紆餘邈吾

廬之延佇 李太白題王處士水亭云齊朝南苑是
陸機宅故有北堂見明月更憶陸平原之句

王導宅在烏衣巷中南臨驃騎航

考證晉記江左初立琅邪諸王居烏衣巷王敦謀逆
導憂覆族使郭璞筮之卦成嘆曰吉無不利淮水竭
王氏滅子孫繁衍 世說王導曰庾元規若來吾角
巾還烏衣南

謝安宅在烏衣巷驃騎航之側乃秦淮南岸謝萬居之

北

考證桓玄得志欲以謝安宅為營謝混曰名伯之仁
猶惠及甘棠文靖之德更不保五畝之宅耶玄聞慙
而止 蔡宗旦金陵賦云前予立乎淮渚思驃騎之
古航慕文靖其既遠宅五畝其已荒念憩爰猶勿剪
歌詩人之甘棠

謝尚宅在城東南一里二百步永和四年捨宅造寺名
莊嚴

謝萬宅在長樂橋東傍丹陽郡城今桐林灣東

紀瞻宅在烏衣巷

考證晉書瞻厚自奉養立宅烏衣巷館宇崇麗園池
竹木有足玩焉

郗鑒宅在青溪上

杜姥宅在舊縣東北三里舊縣在冶城今天慶觀之
是也

考證杜姥宅輿地志云在端門外直蘭臺路東 晉

成帝恭皇后杜氏母裴氏即杜弘治之妻名穆孝武帝封為廣德縣君初穆渡江宅於南掖門外時已壽考故呼為杜姥 宋元徽二年桂陽王舉兵杜黑螽進至杜姥宅陳顯達出杜姥宅大戰于宣陽門破之吳隱之宅在城東南五里

考證隱之為廣州刺史官罷並無還資籬垣反陋妻子寒露內外茆屋六間女嫁謝安移厨助之使人至日高蕭然乃令其婢牽一犬入市賣之其清操如此

絕宅地舊志云在縣南三里古大社西有凶地三畝晉周顗司馬秀蘇峻皆宅于此悉以禍敗宋王僧綽曰大丈夫當以正道自居何宅之有凶吉尋為元凶所害楊脩有詩曰四主衣冠今不終高門列戟謾重重由來瘠沃分勞逸莫道人凶非宅凶

宋檀道濟宅在青溪

考證異苑云檀道濟居青溪此宅先是吳將步闡所居諺云揚州青是鬼營青溪青楊是也自步及檀皆

被誅

青楊巷名

何尚之宅在南澗寺側

考證袁淑與尚之書云丈人微明未耗舉業方隆儻能屈事康道降節徇務舍南瀕之採菽此行決矣尚之宅在南澗寺側故書云南瀕詩所謂予以采蘋南澗之濱也南澗今城南落馬澗是也

沈慶之宅在城東南十里

考證南史沈慶之傳居清明門外有宅四所室宇甚

麗又有園在婁湖慶之一夕携子孫徙居之以宅還
官悉移親戚中表于婁湖同閑迨前廢帝立加几杖
給三望車慶之每朝賀常乘猪鼻無憶車左右從者
不三五騎履行田園每農桑劇月無人從行遇者不
知其三公也柳元景造之鳴笳列卒滿道慶之挿杖
而耘嘗侍宴賦詩云老朽筋力盡徒步還南崗

謝幾卿宅在今府城東南十八里

考證宋謝幾卿坐免官居白楊之石井朝中交好者

載酒從之客常滿座

建平王劉宏第在雞籠山

考證宋書云建平宣簡王少而閑素篤好文籍太祖
寵愛殊常立第于雞籠山盡山水之美

齊武帝舊宅在青溪今城東一里臨秦淮是其地

舊志

考證齊書云武帝諱頤字宣遠太祖長子也小字龍
兒生于建康青溪宅其夜陳孝后劉昭后同夢龍據
屋上故字焉 永明二年帝幸青溪舊宅

蕭子良宅在鍾山之西

考證竟陵王子良行宅詩曰訪宅北山阿卜居西野
外幼嘗悅禽魚卑性羨蓬蒿

劉子珪宅在今城東二十五里青龍山之前

考證南史齊劉瓛居于檀橋瓦屋數間上皆穿漏永
平七年竟陵王子良表武帝為立館帝以檀橋地給
之

梁武帝宅今府城東南七里光宅寺基是

考證梁高祖于宋大明八年甲辰生于秣陵縣同夏里三橋宅

沈約宅在鍾山之下名東田

考證南史梁沈約遷尚書令雖名位隆重而居處儉素立宅東田矚望郊阜嘗為郊居賦以叙其事又嘗賦東園詩有槿籬踈復密荆扉新且故之句雞跖集云宅成劉杳贊之約報云惠以二贊詞采妍富便覺此地十倍

朱昇宅在今府城東北

考證南史梁朱昇及諸子自潮溝列宅至青溪其中有臺池玩好每暇日與賓客遊焉

范雲宅在今府城東南七里

考證陳軒金陵集載何遜行經范將軍三橋故宅詩云旅葵應蔓井荒藤已上扉寂寂空郊野無復車馬歸

江揔宅在青溪大橋北與孫瑒宅對

考證揔仕陳為尚書令故亦稱江令宅 寔錄云江

令宅在青溪中橋傍湘宮寺巷對桃花園路北後主

嘗幸其宅呼狎客 楊備詩注云南朝鼎族多夾青

溪江令宅尤占勝地 隋初揔還宅詩云悵然想泉

石驅駕出臺城玩竹春前筍驚花雪後春記室新書

云江揔之泉石依然謂此也 劉禹錫詩云南朝詞

臣北朝客歸來惟見秦淮碧池臺竹木三畝餘至今

人道江家宅 本朝為段縫約之宅青溪閣亦其地

也故荆公詩云昔時江令宅今日段侯家

孫瑒宅在青溪東其西即江總宅

考證寔錄陳起部尚書孫瑒居處奢豪家庭穿築極
林泉之致歌童舞女當世罕儔

伏曼容宅在今府治西南三里

考證曼容居瓦棺寺東施高座于廳事有賓客輒升
高座為講說生徒常數百人

伏挺宅在今府城北潮溝

考證挺于宅講論語聽者傾朝

唐柳郎中故居在茅山

考證權德輿作柳郎中茅山故居詩云下馬荒堦日
欲曛潺湲石溜靜中聞鳥啼花落人聲絕寂寞山窗
掩白雲今不詳其處

孫晟宅在鳳臺山西

考證鄭文寶南唐遺事云孫晟為尚書郎賜宅一區
在鳳臺山西崗壠之間徙居之日羣公萃止韓熙載

見其門巷卑陋謂孫曰湫隘若此豈稱為相第邪舉
坐莫喻其旨明年孫拜御史大夫百日之間果登台
席

徐鉉宅舊在攝山棲霞寺西今日陶莊者是也園池甚
盛

考證裴迪留題徐氏來賢亭云常侍江東第一流子
孫今不泯先猷結亭意在來賢者誰慕清風為駐留
王荊公題徐秀才園亭詩云茂林脩竹翠紛紛正得

山阿與水濱笑傲一生雖有樂有司還欲選方聞二
詩刻石今在棲霞市酒坊

王荆公宅今半山寺是

考證公再罷政以使相判金陵到任即納節 辭同
平章事懇請賜允改左僕射未幾又求宮觀累表得
會靈觀使築第于白下門外去城七里去蔣山亦七
里平日乘一驢從數僮游諸寺欲入城則乘小舫泛
潮溝以行蓋未嘗乘馬與肩輿也所居之地四無人

家其宅僅蔽風雨又不設垣牆望之若逆旅之舍有
勸築垣輒不答元豐之末公被疾奏捨此宅為寺有
旨賜名報寧既而疾愈僦城中屋以居不復造宅父
老曰今江寧縣治後廢惠民藥局其地即公城中所
僦之宅也

蔡寬夫宅在今貢院

考證南窗紀談云蔡寬夫侍郎治第于金陵青溪之
南穴地為池數尺之下見有瓦礫及朱髹七筋數十

蔡驚異命工愈掘之又深尺餘有金鏤瓦錫之器甚多皆破碎交錯仆壓于下竈下葦灰猶存又窮其傍大抵皆人居也然後知其下前代為平地經六朝喪亂瓦礫糞壤積而至此高岸為谷深谷為陵豈不信哉今貢院基是

湖陰先生居今不詳其所

考證王直方詩話云楊德逢號湖陰先生丹陽陳輔浙西佳士也每歲清明過金陵上塚事畢則至蔣山

過湖陰先生之居清談終日歲率以為常元豐辛酉
癸亥頻歲訪之不遇題一絕于門云北山松粉未飄
花白下風輕麥脚斜身似舊時王謝燕一年一度到
君家湖陰歸見其詩吟賞久之曾稱于舒王聞之輒
笑曰此正戲君為尋常百姓耳湖陰亦大笑

土貢

唐歲貢筆及甘棠梨

皇朝歲貢羅二十疋

物產

穀之品稻粳來牟

餅餌皆勝它郡

菽麻粟

帛之品

俗勤蠶桑冠它郡

羅綃紗花絹花紗四緊紗

溧陽最多

夏紡

絲冬紡絲綿

金之品金

山句曲

銅鐵

赤山

銅器

句容

藥之品玉屑

淮南子云出鍾山

石鍾乳

本草云茅山土石相雜編生茅草以茅津相滋

乳色稍黑而滑潤謂之茅山乳性微寒

禹餘糧

本草云茅山甚有好者狀如牛黃重重甲錯其佳處

乃紫色泚泚如麴齧之無砂然用之宜細研以水泚取汁澄之勿令有沙土也

黃精

本草云葉大根麕黃

白色至夏生人後阮孝緒因母疾用藥須得生人後舊

有花實傳鍾山所出孝緒躬歷幽險累日不獲忽一日底前行至一鹿藜本草云江寧府出一種小

所遂不見就求之果得鹿藜本名鹿藜葉如茶根如小

拙指彼處人取其皮治瘡木陶隱居云蔣山白

癰及疥癩云甚效八月採山茅山者為勝卷栢建

記云出石腦陶隱居云今茅山東西芍藥陶隱居云今

卷栢平山並有鑿土龕取之芍藥出白山蔣茅

最好白乾地黃陶隱居云板柴胡麥門冬茵陳王不留

而大行前胡敗醬石韋菝葜地榆京三稜甘遂牙子天南星

鬼臼僂茅連翹紫葛桑上寄地蜈蚣蕁麻茵陳蒿按本草以上並

出江寧桔梗兔絲子香附子罌粟荊芥蒼朮玄參百合百

部白歛白及地黃地榆貫衆羌花半夏天門冬天仙藤

威靈仙劉寄奴何首烏夏枯草穀精草

按本草並出溧陽縣

芝草

菖蒲南燭山桃

按本草並出句曲山

覆盆子吳茱萸

按本草並出溧水縣

溪

蓀草側柏

並出句曲山

芝草

龍仙芝參成芝燕胎芝洞草芝料玉芝熒火芝琅葛芝夜光芝

並出茅山

香之品黃連香

出茅山

果之品來禽大杏海紅金錠梅紅桃綠李相公李

出句容

秦公梨櫻桃繡蓮藕芡寔菱寔蒲萄海門柿石榴香杏

西瓜甜瓜梧桐子地栗橘橙乳柑竹蔗荻蔗

出府境

福鄉

柰

出句曲

菜之品萵筍大葱蘿蔔

水漂

冬瓜筍茭白芹萹蒿防風菜

甘露子

禽之品鳧鷖鷓鴣

魚之品鱖魚鱸魚邵魚

狀如鱖

蟹河魰石首鱖魚鰱魚鮰

魚金魚銀魚比目魚鮓魚

獸之品獐鹿

景定建康志卷四十二